

明
詩
紀
事

明詩紀事

貴陽陳田輯

庚籤

趙秉忠 一首

秉忠字季卿益都人萬厯戊戌第一人及第授修撰
厯中允諭德庶子少詹事遷禮部侍郎加太子賓客
進本部尙書贈太子太保有嶼山集十二卷

題畫

萬里同雲四野寒閉關僵卧笑袁安短衣高笠過橋去尋得
梅花帶雪餐

邵景堯 二首

景美字熙臣象山人萬厯戊戌第二人及第授編修

遷左諭德有邵太史集

促勸彭姚詩苑諭德少有才名與甬上楊守勤等結社賦詩號浙東十四子

聞甯夏起變二首

一自通關市春防鼓角閒黃雲迷漢戍白羽過秦關綱紀秋
塵裏朝庭肝食間羣狼遂銷滅邊事恐成艱

遂有西征議仍將北伐同平時多厭武衆亂敢稱雄遠戍沙
塵黑孤城烽火紅不須憂爾輩授鉞有元戎

顧起元六首

起元字鄰初一字太初江甯人萬厯戊戌第二人及
第授編修厯南國子司業諭德右庶子南國子祭酒

少詹遷南吏部侍郎改北謚文莊有懶真草堂集五

十卷

田按太初留心鄉邦文獻集中金陵名賢詠六十篇自勳舊名臣至韋布縉流綴以四韻藥括生平又著客座贅語詳述金陵故事可與王兆雲烏衣佳話周暉金陵瑣事並傳

按察副使顧公瓌

陳元舉嘗曰顧英玉嗜酒類狂閉關則狷

觀察意多忤厭與人周旋傲骨未可絀羣口飛刺天拂衣歸

故廬曲突晨無煙凝塵時滿席空歌酒隱篇

奉新令陳公芹

子野雅志泉石嘗一爲令善寫竹詩字奕奕奄有江左風流

陳公江海客晚號神仙宰華髮卧天台盪胸弄雲海絳冕非
所志紫芝行可采寒梢寫鵝谿孤興固有在

太學生盛公時泰

仲交跌宕不羈倚馬萬言好賓客戶外之屢常滿盡竹石枯木蒼然映人

盛覽牂牁彥龍章信悠忽曼衍以窮年瀟灑送日月筆倒三
峽流理窟何勃窣玉樹埋土中朱華一朝歇

雪浪大師洪恩

洪恩風期俊爽議論聲動人詩字有晉唐風流

恩公實散聖俊氣邁寥廓當其獨往時肯受梵網縛游戲衍
三車矯若雲中鶴世眼多所謀徒爲智人譖

商廳館

蔣廟西南

蔣帝祠西白石壇商廳高館盡彫殘年年猿鶴空相怨一路
青山碧樹寒

暑風亭

清涼寺是後主題

深谷樓臺六月中坐披單袷御微風汲來玉井寒如雪不道
高歡避暑宮

何如寵 三首

如寵字康侯桐城人萬厯乙未進士

戊戌殿試

改庶吉士

除編修厯中允諭德庶子國子祭酒遷禮部侍郎奪
職閒住崇禎初起吏部侍郎進禮部尙書兼東閣大
學士參預機務累加少保改戶部尙書進武英殿大
學士福王時贈太保諡文端有後樂堂集

田按太保晚居金陵近體詩和平蘓藉與謝于喬相近

江行將至金陵作

風靜春江一鑑開天低兩岸萬峯迴人煙漸向津樓起雨色
遙含浦樹來六代山餘龍虎勢千秋人去鳳凰臺居然帝業
思豐鎬誰是西京作賦才

自述二首

羅雀門誰懼雪航自非支遠卽求羊茅峯夜枕丹爐煖攝頂
春筇藥路長蠲疾舊持觀鼻偈讀書重搆印趺堂世間出世
無他願聊遣餘生一味忙

枯菀誰知雨露恩看花榮瘁悟朝昏微疴自便翻辭藥熱客
原疏不署門弔古每思嚴瀨好貽謀應讓腹邱尊歸田娛老
惟圖史免記平泉誤子孫

周如磐二首

如磐字聖培莆田人萬厯戊戌進士改庶吉士授檢討
歷中允諭德庶子南祭酒少詹遷禮部侍郎加太
子賓客進本部尙書東閣大學士參預機務加太子

太保進文淵閣大學士贈少保諡文懿有瘡志齋集

田按天啟五年輔臣缺詔推老成幹濟者少保以年老未三月卽乞歸未出都而卒雖與丁紹興黃立極馮銓並推於閣黨無所染詩亦朗秀

過分水關

嶺雲開峭壁躡履駐斜曛形勝東西圻風煙楚越分半山泉落澗平野樹生雲不是棄繻者休教關吏聞

吳城懷古

姑蘇城下刺蘭橈卻憶吳王古市朝香輦路邊春寂寂館娃宮外草蕭蕭千年往事空嗟鳥半夜疏鐘自落潮明發不堪回首處暝煙秋雨過楓橋

熊廷弼一首

廷弼字飛百江夏人萬厯戊戌進士除保定推官入
爲工部主事擢浙江道御史以聽勘歸起大理寺丞
擢兵部侍郎兼右僉都御史經畧遼東罷歸起原官
進兵部尙書兼右副都御史兵潰棄市傳首九邊崇
禎中謚襄愍有性氣先生集

湖北詩徵傳畧先生經畧遼東過黃梁祠題句云設
道三綱與五常從來箇箇說黃梁只因遺下先生夢
誤盡人間瞌睡郎墨迹未乾而豐碑在望黃陂吳柏
陽御史魏客黨也其子惇寬卽碑陰題一絕云題詩
勒石氣何雄轉眼黃梁又夢中兵尙未來閱已入這
回瞌睡正朦朧
田按熊芝岡袁元素皆一時邊才一以門戶傳首一
以猜主致戮所謂自壞萬里長城也國欲不亡得乎

過恨者關

兩年關上路三度病中過衰爲沙場早愁緣世網多逐臣甘

龔士舉國驚風波涕泣三朝事馳驅敢惜他

鄧漢 五首

漢字遠遊建昌新城人萬厯戊戌進士除浦江知縣
改秀水內黃徵授御史出爲山東副使改浙江進參
政遷山東按察使厯昌平道通州兵備道擢右僉都
御史巡撫順天以忤魏閫遣戍鎮遠崇禎初放還有
留夷館南中紅泉大旭山房芙蓉樓澠水等集

大泌山房集遠遊詩博太豐贈

玉茗堂集遠遊詩情無泛源藻有餘縵

列朝詩集遠遊自序謂十歲喜誦唐人詩年十五始
學詩生長寒素衣食多累三十歲進士州縣爲勞徵
拜御史謝絕人徒悉取毛詩楚騷下逮三唐細閱而
深思之神明默識豁然悟汗乃知我明諸公之學古
人都在形骸之外去之所以更遠王李旣廢流派各
別狂警奔逐實繁有徒李豐吳稼登詞林老宿具楚

人而大悅盡棄其學而學焉子厲聲訶禁乃止遠游
當王李未流楚人崛起之會欲箴砭兩家之病而集
其所長其志則大矣旋觀其詩體貌豐得音節繁會
長篇極意鋪陳而持擇未得其體要今體取材尖巧
而剝搜未脫其皮毛可與掉鞅時流或未能方軌先
正也

靜志居詩話遠游詩敦琢而出頗近俞謨長何无咎
二山人微嫌鬱轡耳然勝楚人之咏多矣

師範演繫鄧漢明萬厯中巡按雲南詩云地控雙閭

金碧雲開雨迤東西盈尺海波瀾瀾四時草地凄淒

峯頭半起雲彩江曲初生月牙蘆岸荻洲相向碧雞

山下人家細雨斜拖白練春風自翦紅羅感此驚心

潸淚故園歸去如何沙木和邊月白花橋關下雞鳴

風遞一聲畫曉星殘幾點松明注云滇俗諸水處皆

稱海子呼雲為雲彩初生月曰月牙畫角為畫曉松

炬為松明拖白練鳥名翦紅羅花名沙木和花橋關

皆地名

田按遠遊長篇敘事側惻動人有次山香山遺意高

陽孫文忠公三十五忠詩有詠鄧中丞云按薊能修

守能名威繼光中丞束訓練我武頓惟揚揮羽習鵝

鶴投鞭驅虎狼如君凋落盡誰復問封疆其為名流

痛惜如此

武定變

朝登武定城暮宿抵羅次有何龐眉叟遮車泣訴事問叟何
所苦問叟何所覲叟耄復健忘憶一不記二往者萬厯初邊
守幸康父守令咸得人民物鮮札厲伍伯不到門什一有恆
稅斛米纔十錢半鎰易一醉龜貝自轉輸工價集駢坐相歡
太平人但供角觥戲嗚呼廿載間乾坤一幽閉中丞文且武
抵掌談封拜羽檄豈虛來兵革靡甯歲忍以百萬命而快一
人意忍白千里地而希茅土賜守臣本齷賊中璫甚狂獬此
輩紈袴子況彼糞除隸咆哮而負嶠逢者鮮不噬不忍因民
怨奈何虎冠吏一夫敢倡難餘孽竟昌熾訛傳寇初集頗遭
守者冒黽勉授殘甲垂頭望睥睨蜂涌圍已合蟻薄城遂潰

巷戰力不敵免胄期殞碎烈烈金與王闔門竟死義宛轉蛾
眉女慷慨丈夫氣泣抱黃口兒牽挽及娣姒相繼付烈欲義
不汙賊鑽草間苟求活羞彼郡都尉難撲燎原火易乘破竹
勢中丞文且武小醜曾藉芥下令城中外母得輒引避按堵
第如故已定退賊計賊來如風雨剝膚患孔亟晨興牙門啟
文武咸就位寇賊在門庭請問計安出中丞噤無語汗流手
顫悸但云烏合衆不久當自退城外鼓盈天城中哭震地賊
徒皆重鎧踉蹌錯其臂每聞得漢兒刀腹必洞刺剗腸挂樹
枝烏鳶下爭食尸積雲津橋血流溟海滋中丞非不武空拳
安可試登樓望賊徒憊然思所畏或用緩賊謀姑爲好語慰
彼賊若罔聞瞋目仍攘袂惡詬至不堪左右皆沮媿甘受城

下盟竊發虞姦細犒用十二牛文錦先皮幣甚紫織成衣黃

金鉤落帶銀印龜形釧本自上方製名器敢輕假曾謝擊餅

智賊衆始拜舞觀者猶惴惴賊來荷戈入賊去駘金回何對切

可憐窮窶孃抑作犬羊配虜獲動無算男婦必累騎輜重百

里間縣縣行不絕此芮切獬賊固驍悍小勝輒忸忸餘制切中丞

文且武開門悉精銳擊歸伺其怠小醜安足殪但聞攀牆看

誰將一矢遺去聲夷民舊部落府主新儀衛前歌後有舞送歸

刺史解昭昭漢日月幾回蠻天墜忍死幸須臾延頸王師至

焚香拜馬首雙頰如雨淚不意溝壑軀復覩漢旌幟感激活

我恩人持一笥餌長跼主帥前帥聞乃大譁怒聲吼如雷立

命三軍士居此圍城中盡與賊句結吉詣切從賊有顯戮任其

所斬刈軍士擁向前兩手捽其髮

方味切

舉刀便欲斫觀者但

聘眙叩頭連乞命我輩有何罪爾輩實無罪是爾命盡日

而至

切

昨傳中丞令首開購級例重賞不踰時以此競趨利撈賊

無所得失利且有害頭願許借我誰能別真偽老幼問此言

號擗淚盈背生既無門控死當訴上帝駢首就鋒刃流血如

泉沸次第列功狀報捷日三四中丞啟捷書抵掌大稱快催

軍益前進功多賞亦倍傳教諸將營努力功名會今年殺諸

賊金印如斗大當取懸肘後急擊慎勿失

式吏切

天網恢恢布

多殺神所忌逆賊既就俘將吏亦被逮糜爛同一理誰逃百

六阨

烏解切

叟昔有二子諸孫繞膝嬉酣經喪亂來並無髡鬣

嗣田園既蕪沒居室遭焚蕪親友凋殘盡生理迷所寄人皆

羨高年高年有顚顚歎息老叟語停鞍重歇歎聲去召變良有

初妖象著爲誓町疇作戰場噫嘻豈偶值

王崧樂山集土司志萬歷三十五年武定土酋鳳阿克之亂有鄭舉者阿克之馬頭也阿克馬頭四十八人惟舉富於財武定知府陳典墨吏也假廉訪收禁舉舉置金魚腹饋典乃已已復收之如是再四舉惡其無厭與阿克號召諸夷反典不爲備日夷虜何能爲會典赴會城阿克連江外土兵大舉入寇陷武定指揮金守仁千戶王應爵男婦四百五十餘人俱執義死千戶梅應時等戰死阿克擁推官白明通直抵省城明通進公移請以典之冠帶印信給賊不許肆焚掠索印甚急鎮撫不得已緦印與之始歸立阿克爲知府未一月破一府三州四縣巡按鄧漢憤之作武定變詩讀之者流涕漢新城進士中丞謂陳用賓守臣謂黔國公沐歡中璫謂鎮守太監某金王謂金守仁王應爵都尉謂白明通也諸人釀禍流毒僥倖平賊猶復論功漢先已疏陳其事詩更痛切言之時叔父右都督昌祚已老恨叔與用賓比貽害滇南亦疏論失事狀而都司張名世殺平民冒首功詔逮用賓及叔與名世陳典白明通俱下獄仍起昌祚鎮滇

庚籤卷十九

八

徵除名餘皆論死用賓以十七年巡撫經理緬事頗有規模一旦變起蕭牆束手無策身填牢獄人皆惜之舊志稱其用兵如神平阿克功進都御史卒予諡蔭蓋未究其始終也

行部迴東道中雜述

客行倦徂暑中道正病渴傍晚睨清冷水快意思一啜路人急
搖手執勺未及咽細辨啞泉字隱隱見題碣我意不無疑強
復忍其渴此口在人身宣納固有節末俗矜名論胡爲但譟
聒評語恆似罵直諫本爲許不聞大庭內市井爭瑣屑根株
寢廣引聲勢巧虛喝鎔銖較勝負何異鼠鬪穴安得飲此泉
永結讒夫舌宇宙復清謐斯人免狂齧賦詩擬采苓從此亦
囊括

新第落成謾賦

銀鑪依柳下瓢杓挂林中水爲臨池黑泉因洗藥紅留詩招
隱士作賦問天公咄咄終何事將尋植杖翁

姚安道中

山霧四塞煙霏微林深箐密行人稀蜻蛉川北日初霽弄棟
城頭雲亂飛映水鳬芷故寂寞迎風雀麥相因依故鄉節候
誰復記五月南中猶袷衣

詔獄初上蒙恩削籍仍行推問感事

元陰四塞日無輝久矣堅冰識禍機幸免西州名士恥甘蒙
南部黨人譏爰書一代闕衰盛實錄三朝有是非舊事不堪
重省記慶陵遙望淚霑衣

陳邦瞻

九首

邦瞻字德遠高安人萬歷戊戌進士除南大理評事
遷工部員外改南兵部進郎中出爲浙江參政歷福
建接察使福建河南布政使以右副都御史巡撫廣
西進兵部侍郎總督兩廣軍務兼巡撫廣東召拜工
部侍郎改兵部贈尙書有荷華山房摘稿六卷

田按尙書督粵阮海寇不得逞在朝疏言客氏旣出
復入何解人言不愧一時名臣官南評事時與曹能
始輩結社賦詩牧齋謂賓朋過從名勝延眺搢紳則
減晉叔陳德遠爲眉目及參浙藩搜訪明初高揚張
徐集重刻之可稱好事集中七律綿邈麗密詩綜不
錄茲體豈未見全集耶

署中獨坐志感

二首

莫問行藏事心知吾道非休官計未可將母願多違江海迷
歸夢風霜變客衣白雲迴首處秋雁正南飛

自笑疏狂客空餘懶病身肯論官不調轉愛食長貧遊治隨
年少悲歌向酒人久知非我事高枕任風塵

山居秋思

樹杪西峯一點青章江時泛錦江舫城頭雨暮留高閣湖上
天空見草亭萬里偶題詞客句千秋猶識少微星山川不共
風流盡落日煙波思轉冥

以事赴省舟中作

楚天回首正茫茫留滯誰能念子長孤枕不堪風雨夕扁舟
沉在水雲鄉家人占鵲浪傳喜客子聞猿已斷腸應是窮愁
雙鬢切朝來飛入鏡中霜

長安秋懷

平生落魄寄江湖客裏逢秋興不孤公子西園邀玉笋美人
漢浦贈明珠中年懷抱頻飛動往事風流更有無到處青絲
驕白馬憑誰調笑酒家胡

歲暮書懷

歲暮蕭條滯故邱飛鴻落木總生愁自緣將母羞微祿敢謂
爲郎歎倦遊病後心情隨髮短窮來身世傍雲浮不知篋裡
龍泉劍何事崢嶸尙斗牛

署中懷曹尊生并寄

湖千秋色似瀟湘歲晏懷人意轉傷黃葉下時山署冷白雲
歸處海天長高城聽角悲殘月江閣看鵲怨夕陽亦信長卿
能做世未應遊倦爲郎

人日

人日江城獨望時澹雲寒雪正流姿登高作賦仍爲客

用韓公城

南事對酒停杯有所思金縷欲傳香閣勝梅花誰寄草堂詩自
憐歲月驚雙鬢漸遣青銅有素絲

獨居

飛鴉何處唳夢破霜天曙殘月逗寒窗鏡人不肯去

黃汝亨

十首

汝亨字貞父仁和人萬厯戊戌進士除進賢知縣徵
授南工部主事改禮部歷郎中出爲江西僉事遷參
議有寓林集三十八卷

懶真草堂集貞父詩晉宋之陶謝唐之王孟
恬志堂集貞父詩虛明妙湛別出靈手

田按貞父詩刻意摹古思清而詞傷

短歌行

樂往悲來日居月諸髮不勝心倏忽馳駒馳駒奈何慷慨以
歌品庶馮生賢者憂多得意一時失意一時來亦不悲去亦
不悲逝川無窮高山虞傾夷光嫫母明鏡寄形胡爲擾擾營
身後名芳蘭自折膏火自煎益之損之孰知其然優哉游哉
聊以永年

奉壽胡元敬先生五秩詩

并序

元敬先生仁質義問楷模州壤有太丘長者之風不
佞爲之心折久矣而乃辱其令子休仲謬而論交休
仲廣覽典墳冥搜玄素踰行卓朗鳳冠士羣蓋慈明

元方之倫也先生有子結爲大年何羨乎喬松彭聃
哉今年秋先生行年五十二三親朋願起爲壽而先
生方戚然慈閭亦會某在熒熒之中玄黃觴豆非所
以將在禮無容無文中情所懷文之不可以已也播
之颺之倡以短述

駕言西河渚遙望南山岑峩峩青雲表下有叢桂林孤秀結
靈區玄鶴鳴在陰彼美胡公彥仁以爲已任鳳偃矯不衰有
雛揚其音研文證名理履道懷立心誼古可躋往辭英將無
今嗟余蕪陋質剖心詣盜簪棄捐世俗好入室援雅琴傷余
遭薄祐慶子情方深微辭薦不腆聊以志所欽

六月帷中諸生譙集靈鷲山

林木已泱爽山雨頓無暑方來喜得朋宴坐足嘯侶酬對有
玄風周還中懿矩綺筵發高倡禮席間法語釋彼域內戀暢
此尊中醕杯行再斟酌燭刻復延伫黯黯夜光微沈沈晚雲
貯躑躅下山坂蒼茫窺島嶼情劇深懷來時止詠歸去短履
紛縱橫高枕任爾汝

登秦駐山

東遊不可見西望亦悠哉亂島蒼溟合遠天紅日開雲間聊
弭節松際一登臺萬古雄心盡沙鷗自去來

懷抑之司理

催芳春事暮懷人書亦來飛花渡流水曉鳥上高臺江漢眇
難越浮沈浪自猜山空人語隔遲日冷莓苔

新嘉驛亭

結陰深驛舍卽與世喧分小澗偏沈日孤亭亦貯雲藤蘿秋
與寂林響暮還聞不覺移時坐倚杯半入醺

金山寺果公淨業菴是馮閱之祭酒所題

江上袈裟地山陰淨業菴憑虛通杳靄俯檻挹寒潭破衲流
雲護殘經落月參重來學士座玉板出香龕

宿蓮華菴

是菴禁酒

暮山看不極轉徑得清涼簪漢一峯紫雲泉眾木芳淨觀惟
佛火高卧是繩床不作攢眉苦相依蓮社長

過吳門金玄朗故居玄朗客死

飲馬橋西舊酒徒到來門巷已荒蕪譚天不復聞鄉衍罵座

何緣有灌夫老去壯心銷客夢生成俠骨葬江湖長林豐草
悲歌盡明月闌門泣夜烏

吳門金玄明快士也作移家六首索余投贈

成佛敢希靈運卧遊自託少文動操高山流水冥坐疏鐘白
雲

黃起龍一首

起龍字應興莆田人萬厯戊戌進士授行人擢南吏
科給事中

山行

錦樹霜凋楓葉斜赤城霞起武陵花沿溪行到無人處翡翠
銜魚上淺沙

一作吳文潛詩

鄧雲霄 一首

雲霄字玄度東苑人萬厯戊戌進士除長洲知縣徵授南戶科給事中出爲湖廣僉事遷四川參議改湖廣降陝西僉事改廣西進參政有浮洲燃桂漱玉齋百花洲越鳥竹浪齋紫煙樓鏡園解叟等集

四庫總目雲霄作冷即小言論詩以妙悟爲宗自然爲用集中詩多仿王孟之音而醞醖深厚則未及古人

秋江蘆花歌

蘆花兩岸堆成雪旅客懷歸心欲絕輕棹如浮剡曲舟開尊似坐瑤池月年華隨水向東流蘆荻無心亦白頭正苦征鴻偏怨夜翻憎絡緯競吟秋蘆花飛去如蓬轉鄉路微茫水深淺村童莫更捲笳吹恐惹邊風入柳枝

范鳳翼

二首

鳳翼字異羽南通州人萬曆戊戌進士除灤州知州
改順天教授歷國子助教遷戶部主事改吏部歷員
外謫長蘆運判遷工部主事進尚寶司丞本司少卿
大理寺丞皆不赴削籍爲民崇禎初復官福王立拜
光祿少卿不起順治十二年卒有勳卿集二十八卷
吳應箕留都見聞錄通州范異羽尚寶以民變居南
好客不倦而工書善詩談吐有藹藹所謂風流儒雅
亦吾師也

征途

歲晚疲征途
籃輿載歸夢
野風吹又醒
明月勞相送
荒村燈火微
遠寺鐘聲動
投宿僧寮中
所忻酒盈瓮

亦適園分韻

非關名遂乞江湖纔到中林塵事無除卻買花沽酒外爲他
雙鶴辦漁租

邱禾實一首

禾實字登之新添衛人萬厯戊戌進士改庶吉士授
檢討厯贊善諭德遷庶子有循陔園集十二卷

田按黔人入翰林迴翔清署荐厯坊職者自登之始
舊記荒畧於登之厯官不能詳余得萬厯戊戌會試
錄履厯爲補其缺登之頗好事於里中佳山水搜剔
得之爲作遊記憑虛洞其一也今并錄其詩

憑虛洞

懸崖到處繫鴻濛恐有秦人寄此中見說渡頭楓葉落年年

秋水似桃紅

阮自華一首

自華字堅之懷甯人萬歷戊戌進士除饒州推官改
福州遷南刑部主事改順天教授歷國子助教遷戶
部主事歷員外郎中出爲慶陽知府考察罷官起邵

武知府有霧靈集

列朝詩集堅之爲人跌宕疏放好從學佛者遊嗜酒
爲長夜之飲爲理官時直指行部扶醉入謁甫下拜
喀啞狼藉噴污直指衫袖遂至露章晚爲郡守不視
吏事賓客滿堂分簡賦詩遊遊山水間稱風流太守
嘗大會詞客於凌霄臺推屠長卿爲祭酒絲竹殷地
列炬薰天宴集之盛傳播海內復爲直指所糾而罷
堅之記誦與博摅撫富有漢魏樂府至枚李古詩無
不撫擬自謂超于鱗而上之其實無以相遠也七言
古今詩襲績甚粗乏抑揚頓挫之致覽燕中郡邑之
勝自三殿迄虎園豹房作七言今體詩百篇君子尙
其志焉
靜志居詩話堅之詩不求工君子誦詩論世甯舍詠

懷堂而取霧靈也

落第客塞下代盧龍諸將寄京洛相知

朔氣厲高秋將軍洗劍鏖雲出塞暗疲馬傍人愁風色侵
重鎧霜威折丈矛貴人能作賦何不自封侯

曹徵庸一首

徵庸字遠生一字平子平湖人萬歷戊戌進士

辛丑殿試

除延安推官入爲大理評事遷刑部主事歷員外郎

中出爲汾州知府有冰雪軒集

費元祿轉情集吳佺曰落花詩海內作者無論數十家曹平子詩云不分香泥深一尺好教絲幃護千重已知豔色移新寵尙倩迴風點故衣褪粉半痕憐日晨離枝一寸卽天涯十里輕塵隨燕蹴一春如夢倚人猜二十四番寒尙峭高樓人病又今宵芳樹舊痕猶在眼玉人新恨正從頭鄧遠遊詩云美好分無長

月窟名一
久日摧殘翻惜未開時恨不帶將長命纓若爲吹上
合歡裙班姬忍淚題秋扇卓女多情詠白頭乍同故
主沈智井可惜蛾眉送馬嵬過此徐嬈空作態兩時
衛玠亦言愁東風一任吹多少嘯鳥徒勞說短長若
比宮人初入道那由去婦復還家總是情根銷未盡
一枝留得供罌罌陳元明詩云一種飛花千種恨倩
誰爲破許多愁長門月落空勞賦團扇秋來但有詩
下淚未歌河滿子無言空對息夫人又駸駸欲度驂
驢前矣
馮李詩繫遠生詩衰原曠蕩多出塵之想
靜志居詩話汾州詩品超逸誦之如哀梨胞髀大是
爽人

送魏仲雪南湖詞

一株蒹葭淡不窮筆床遙住水雲東夜深白露兼紅葉飄入
秋風艇子中

沈孝徵一首

孝徵字永思海鹽人萬厯戊戌進士除工部主事歷

員外郎中出爲河南副使有立暢閣集

元夜宮詞

琉璃瓊盡中天色蘇合油薰別殿香六院盡翻新曲奏柘枝
斜倚御袍黃

徐良彥

一首

良彥字季良新建人萬厯戊戌進士除婺源知縣改
溧水徵授御史出爲福建參議遷山東副使入爲尙
寶司少卿厯大理寺丞右通政擢右僉都御史巡撫
宣府以忤崔呈秀遣戍五溪崇禎初起南大理卿遷
工部侍郎

江上聞笛

笛聲起江樓怨入長江水因風寄遠心不知誰家子

方承郁一首

承郁字伯文莆田人萬厯戊戌進士除歙縣知縣遷南兵部主事改工部有關洛紀遊草

同夏正甫宿莎蘿坪

邱壑應憐我茲行喜共君竹聲孤嶂雨松影半龕雲鐘晚香林寂泉清別澗分蕭然澄萬慮正可浣塵氛

董應舉一首

應舉字崇相閩人萬厯戊戌進士除廣州教授遷南國子博士就遷吏部主事改北厯員外郎中遷南大理丞厯太常少卿太僕卿遷右副都御史進工部侍

郎有董崇相集十六卷

東南嶠外詩話侍郎遊棲霞句云石骨欲上天半爲佛所據初讀之但詫爲奇語耳後余官江南乃知爲實景惟此十字寫得出耳

秋日尋孔雀菴通上人

林深不辨徑積葉翳寒泉屋角留殘日秋階童獨眠問師何所去遙指隔江煙夕磬無人發林中間暮蟬

何棟如一首

棟如字充符一字子樞無錫人萬歷戊戌進士除襄陽推官以忤監稅繫獄削籍歸起南兵部主事遷太僕少卿充軍前橫畫以事下獄遣戍滁陽崇禎初復官有南音攝園稿商音徂東草

夏日感興

玄冥變炎暑冷雨夜浪浪乾坤陰氣寒陽精久韜藏天心有
翻覆此理何茫茫嗟哉夸毗子戀彼煇耀光誰知叩角者悲
歌慨以慷

倪尙忠一首

尙忠字世卿浦江人萬歷戊戌進士除順德知縣遷
吉安同知有居雲鳴鑼醉吟等集

飲戚家園

園倚青山麓亭開綠水濱鳥聲能喚客花氣欲留人酒擬高
陽醉詩翻大厯新相攜明月下不數曲江春

劉時俊一首

時俊字夢敘富順人萬厯戊戌進士除廬江知縣改
桐城吳江徵授南刑科給事中出爲福建僉事謫湖
廣按察司知事遷行人司副歷尙寶司丞進太僕少
卿

賦別

浮雲起天末白日何荒荒置酒臨高臺悲風逐我翔念我飄
零客與子暫相將子去我且留慷慨激中腸請爲別鵠吟四
座慘無光願言崇令德關山遙相望

謝廷讚一首

廷讚字曰可金谿人萬厯戊戌進士除刑部主事以
論建儲削籍光宗時追贈尙寶卿有玉馬軒步邱綠

屋遊霞繼亭等集

田按日可與兄友可妍精選理然不能名家以直諫著

朱長倩初度

年少佳公子翩翩擬過秦
僊人王子晉此日是前身

李春熙一首

春熙字瞭如建甯人萬厯戊戌進士除太平推官降
徐州州判遷雲南推官改肇慶入爲刑部主事改彰
德推官遷南戶部主事進郎中有元居集九卷

月夜登九華

行入九華麓片片雲霞集絕壑抱仙源石門流水急

劉世教一首

世教宇少彝海鹽人萬歷庚子舉人官閩清知縣有
研寶齋集

相逐

籃輿相逐莫愁家絕勝江干問浣紗
似折殘枝霸柳若爲重對白門花
行雲故合聞歌駐纖月偏宜照舞斜
翻訝鐘聲長樂近忍教新旭散林鴉

王嗣奭一首

嗣奭字右仲鄞人萬歷庚子舉人官涪州知州有密
娛齋集

偈陽道中

去歲傷秋潦洪波尙淼然
晴桑栖水蛤腹里過江船
澤國人

煙外飢民驛路邊明饑餐不得淚眼向高天

顧雲鴻二首

雲鴻字朗仲崑山人萬歷庚子舉人

馮舒懷舊集朗仲爲人清介特立少而讀書以四儿周其身堆書及棟埋頭其中累月不出戶憶子童子時就家塾君過先府君話竟日見于讀左氏傳指首簡爲言先經起義後經終事之說甚詳是時君鬚髮已白形骸蕭然出物外如在目矣

還山

早得滄洲趣今償歧路辛風塵清噩夢天地乞閒身白水徵新約青山泥故人此中堪自主吾始得吾真

卽事

山腰未雨雲先溼湖面無風水自波一覺虛齋人事少重陰

高樹晚涼多

明詩紀事

貴陽陳田輯

庚籤

張以誠一首

以誠字君一松江華亭人萬厯辛丑第一人及第授
修撰厯中允遷諭德有酌春堂集十卷

田按君一南安太守賜四世孫有送同年佐南安詩
云儂家王祖守茲鄉至今祠宇梅花傍以粥守南安
有遺愛也

涿水曲

香煖金隄時湛淡春塘溢已送行臺花復倒高樓日

王衡七首

衡字辰玉太倉州人大學士錫爵子萬厯辛丑第二

人及第授編修有緱山先生集二十七卷

唐時升三易集辰玉詩超然埃壘之表

婁堅學古緒言辰玉少喜為詩初若不拘拘而卒與

之合要歸於刻露駿發非苟然也

高出三吳集辰玉詩清新潔淨踔越激楚而韻和情

芳卒歸諸雅

龍性堂詩話辰玉不以詩名袁小修日記稱於極樂

寺中見辰玉題壁二律中有雪中烏乳分齋鉢月下

僧歸及梵鐘又寒燈貝業翻香蠹春樹檐花坐語禽

為佳境又稱其臨池道媚妙絕知名下無不可也

田接江陵以鼎甲私其子辰玉自有才非懋修等倫

也辰玉萬厯戊子領順天鄉試解出黃葵陽之門時

太倉居政府言者攻之亦牽連以走太倉與趙汝師

齟齬汝師氣節蓋世仁登揆席大倉尼之葵陽附和

太倉幾幸以進兩敗俱傷可歎也辰玉越十年始登

第有詩云彩雲重擁玉階前朱兩雙懸御墨鮮偶爾

功名三詭合如聞姓字六宮傳僕從駿骨枯中賁色

借娥眉怨要妍顛倒十年京國夢一時回首杏花簾

未能忘情於十年不字也辰玉才品在當時可與屠

長卿伯仲

王岡伯君子亭中觀射

朝來較騎城西場，驛弓在臂矢在房。
羶牙未轉軍士散，走向王家看射堂。
射堂西風樹索索，人面生冰馬毛薄。
綠鞵蒼頭釋棚坐，硃韜才官抱韉躍。
餘勁飲石猶激昂，神臂當弦故前卻。
青天白羽相蕩磨，欸然一點銀錢落。
提錢上堂聲氣揚，鳴鉦伐鼓稱兇觴。
大呼酒漑壯士膽，翻飛走馬誇身強。
鷗鵲脂望孟勞綠龜龍金錯，昆吾黃一矛重喬舞頓挫。
曼胡十隊趨低昂，義烏健兒勇投石。
淮南劍客技奪場，老拳納袖半甲子。
今日未能禁拍張，等閒不肯賭勝負。
與君慷慨論興亡，憶昔旌旗滿寓縣。
腥風夜挾鯨鯢戰，紛披半海樓船兵。
痛哭登陴

兒女面幕前干櫓造次增市中卒伍倉皇變吁嗟爾汝兵燹
餘辛苦東南眼中見幾十年來臥戰鼓意氣虛鬱六鈞弩赤
手難投都護營熱心暫走尙書府尙書世受龍虎韜大兒昂
藏參馬曹盾鼻文章賤于土蟠胸甲冑光如刀桑弧未了男
子事銅柱敢許書生標君看此輩辦賊否誰爲將之東射潮

登北固

悠然眺平楚暝色自江來石有三分恨煙銷六代才暮城星
火雜斷壁雨風開猶記題封字沈吟日暮回

詠非幻上人詩清能沁骨漫賦以贈

休公賈餘勇猶敵孟襄陽下語理不厭無言與爾長薝蔔參
朝靜菩提結夏涼借君清一掬浣我北征裳

大內蓮花

西山青落影娥池仗外芙蓉入照時
薄雨未消初日暈晚風欲語向人枝
六宮香粉流紅膩三殿浮涼湛綠漪
的的夜舒人不見集靈臺畔露華知

賦七澤漁人

水國秋清墜露濃漁舟點點亂芙蓉
釣裘七澤誰圖畫種橘千頭已素封
魚信拍潮江氣白鷗羣弄雨暮煙重
汀洲誰意蘆花棹聽瑟湘潭第幾峯

夏日園居酬同伯

五陵裘馬厭經過仁可書闕隱薜蘿
歲月不來看燕去荼蘼開到奈花何
青天樹遶銅駝闕細雨煙深白鷺蓑
盡說牆東

堪避世漁樵滿眼笑風波

送王崑崙遊五臺

歇馬先參柏子禪白頭行腳趙州緣無端故國蒹葭夢又在
邯鄲酒市邊

曾可前二首

可前字退如石首人萬厯辛丑第二人及第授編修
有且孺堂集

袁宏道讀碧堂集退如詩清新微婉不以偶傷其氣
不以法掩其才
田按退如與雷何思步趨公安中耶所謂面盡合而
水乳契者也

悶坐報蔡宏甫館長至亟還非也戲寄

風翻芍藥雨三花細雨新晴早放衙卻笑兒童虛擁簪蔡經

容易到人家

送客

麤麤隄柳拂車塵一向西川一向秦
路過鄉園應繫馬
春色正愁人

熊明遇一首

明遇字子良進賢人萬曆辛丑進士
除長興知縣徵授禮部主事擢兵科給事中
出爲福建僉事遷陝西叅議召授尙
寶少卿歷太僕少卿右僉都御史兵部
侍郎拜南刑部尙書改兵部有綠雪樓集

偶讀邊報各賦九塞一首

錄一

漢武英雄畧胡兩截分玉關連斥堠
張掖變耕耘茶葉通

西遠軍書直北殷龍堆天日外豺虎自爲羣

甘肅

鄭以偉一首

以偉字子器上饒人萬厯辛丑進士改庶吉士授檢討
歷贊善諭德庶子少詹事遷禮部侍郎忤璫歸崇
禎初起禮部尙書兼東閣大學士入參機務贈太子
太保諡文恪有靈山藏集

袁君弘西江詩話文恪有靈山藏集靈山在廣信城
西北有七十二峯高七千餘丈文恪詩云靈山七十
二面面生奇峯如琢亦如削或謂玉芙蓉
田按明代閣臣類出翰林文恪優於詞章而票擬非
其所長嘗曰吾富於萬卷窮於數行章疏中何何況
二字誤以爲人名擬旨提問帝駁改始悟自是詞臣
爲帝所輕遂有館員須歷推知之論而閣臣不專用
翰林矣

題鯉洋

鯉洋堪入龍眠畫更恐幽深圖不窮
孤蒲釣艇雨聲外橘柚人家煙影中
經年憶此江水綠有客未返山花紅
京邸裁書寄小院庭柯無恙予將東

雷思霈二首

思霈字何思夷陵州人萬曆辛丑進士
改庶吉士授檢討有百衲閣歲星堂集

鍾惺隱秀軒集先生嘗自云不泥古學
不蹈前良自然之性一往奔詣
列朝詩集何思與袁氏兄弟善當公安捕除俗學沿襲其風流信心放筆以刊落抹殺爲能事而不知約之以禮

春興

消得天厨書幾緘朝朝騎馬看煙嵐
二年半在香山寺十月

曾採滴水巖滿井北游春淡淡渾河西上石嶼嶼松風獨愛
陶貞白官是蓬萊最後衙

蝦蟆培

袁崧怪石驚三峽陸羽茶經品四泉如此江山須領畧及秋
吾欲賦歸田

劉永澄二首

永澄字靜之寶應人萬厯辛丑進士除順天教授歷
國子學正遷兵部主事有練江集八卷

田按靜之留意當代典章凡名臣言行六曹職掌九
邊阨塞形勝兵農錢穀之數靡所不究會雷震郊壇
火詔具修省事例晉江李廷機攝宗伯事靜之晉江
所取士也因奏記曰災異下詔必求直言自漢唐宋
以及我祖宗未有改也茲一切報罷中外傳之史冊
載之謂清時有防口之禁甚矣美談昔熙宗皇帝卽

位下詔求言之意稍未懇切當時輔導非人識者業
有遺議後萬安劉吉爲相惡聞人言災異詔中不及
朝政鄒汝愚疏論之炳烈千古然則塞謬諂之門務
容容之福豈盡人主規璣哉臣下或不能無過耳故
爲老師報主計無如請老師開言路者晉江得書默
然歸德沈相國雅知靜之嘗者以出處之際靜之答
曰君子處小人之道莫備於易之夬有以君子陽附
小人而徐圖其後者爰之若濡是也有以君子顯斤
小人而不避其害者彖之惕庭是也從前之道爲曲
爲隱狄仁傑行之於李林甫二者操術不同其爲君
張九齡行之於李林甫二者操術不同其爲君子一
也夫君子豈不樂渾厚包容以成無競之風勢不可
耳故君子雖不逆小人之詐而必不肯墮小人之奸
雖不屑倖倖以博名高而亦不肯泥泥以晦已志清
議直筆雖有俟於將來心術隱微自當暴於天下若
徒泥用晦之智期微罪之行卽乞身未必得而天下
萬世安能遺其迹而盡諒其心哉然此時又非不欲
去之患不得去之患也非勇退之難退而不失其道
之難也我朝劉文靖謝文正及近日王山陰皆侃侃
諍諍退不踰時趙蘭溪則病疏累數十上不獲請
豈前三君子見知之淺而蘭溪結主之深哉三君子
能苦口犯顏而蘭溪不能故也進退之機亦可見於

此矣當時以爲名對靜之讀書根極底其尙友今古
考覈精密每觀往事如身臨其際反復精思國事清
議多所維持於海內賢不肖洞析無遺原心脫迹積
弊防微無弗先幾曲中卽邊微亭障江海豪猾盜賊
咸具得其主名與其根株巢窟惜年三十七而卒不
究厥用天下惜之

宿文起竹陽齋中

濟勝元無具尋幽只爲君千峯天半起一榻竹邊分密樹傳
清籟虛堂宿野雲廿年稱道義不在細論文

楊村

樹裏橫樵出沙間蔓草斜秋聲高入雁河勢曲盤蛇場稼億
千束溪茅三兩家望中無限意數點覓林鴉

楊師孔二首

師孔字願之一字冷然貴州衛人萬厯辛丑進士除

山陰知縣遷戶部主事改順天教授降昌平學正遷
國子學正進工部主事歷員外郎中出爲雲南僉事
進參議遷浙江參政有秀野堂集

王思任季重集冷然有問梅射虎避暑聽泉塵香澤
畔等詩而題之曰秀野堂集大抵清貴落字高古決
格華亮取響岑孟錢劉之倫也
黃汝亨寓林集冷然胸中饒有勝情馮之筆端佳句
自集殷璠所云神來情來嚴滄浪謂盛唐諸人惟在
興趣豈不然哉
露書楊冷然詩十種皆清新有韻
田按冷然詩瀟灑出塵不染當時氣習

由長陵至西山作

一官能有暇數日踏花行對酒寫山意逢僧問寺名風驚松
鶴夢潮靜木魚聲爲避遊人跡雙柑獨聽鶯

馬底過秦處百里

客程愁馬底風磴許後知路仄溪流折峯高日上遲崩雲飛
化石倒樹寄生枝猶有秦時鳥傳聲故自奇

俞彥二首

彥字仲茅一字容自上元人

原籍太倉

萬曆辛丑進士授

兵部主事歷員外遷光祿少卿謫夷陵知州遷南兵

部主事有近樂府

靜志居詩話少卿擬樂府自南北朝入亦是解人第
篇幅稍長輒未合古此韓退之所云不造其堂不磨
其蔽者也

金陵詩徵少卿謂隆慶以後詩文如四目象供九頭
妖鳥佳詞則染指者少猶不失本來面目王阮亭云
少卿寫無可如何之況可謂非非想僕嘗與郝程村
論近代詞人斷當以少卿爲當行第一
田拔仲茅樂府得張文昌白太傅遺意

賣兒謠

長者子與我麀盈數升攜兒歸兒別母抱兒噉出門去牽父
衣母先絕父斯須死亦不惡君不見官府催租烈於火今年
不死飢明年催租來殺我

戰雒南

戰雒南一馘十千數已多馘多賊多君奈何莫學中都窮罪
弁借人頭顱說征戰莫學南州猛使君掩人勞勩誇功勩驅
民爲賊何太易千尺流丸下便地驅賊爲民何大難雨落上
天泉歸山

陳勳 三首

勳字元凱閩人萬曆辛丑進士除南京武學教授就
遷國子助教改戶部主事進本部郎中遷紹興知府

未任卒有元凱集四十卷

四庫總目動爲鄭善夫外曾孫其辨香有自故雖無傑構而尙有典型

朱國禎演幢小品元凱謝病歸終日厨戶卻掃嘗一至烏石山間客聲卽走談佳山水心輒動畏客輒不往其友董見龍嘲曰世皆如子直須以環堵爲天地卽日月山川皆爲空設矣大笑不爲意指庭間花石瓦水盆曰此非吾之五嶽江湖耶其意趣如此雖不出戶庭日捐捐筆硯間有以自遣其拈筆造次必擇言不爲近語詩入唐人室字與畫皆精妙人寶貴之田按元凱詩語蘊藉似其爲人

夏日齋居

端居深結夏水木澹清光
雨外坐微月空中聞好香
事緣身病減懶與世情妨
那復除諸累逍遙咏老莊

將北行留別徐惟和

將行對酒復聽歌
况值征鴻雪裏過
歧路自傷爲客久
離情

偏覺故人多楓林回首山當驛柳色驚心春渡河誰念素衣
今盡染風塵歲月恐蹉跎

雞鳴寺

秣陵佳麗憶當年縹緲城邊得梵筵雲捧法輪依帝座樹淨
香閣出人天三春花雨江南思六代精靈日暮煙半醉遊人
山下去啼鳥垂柳白門前

徐禎稷

山首

禎稷字叔開松江華亭人萬曆辛丑進士除刑部主
事歷員外郎中出爲夔州知府遷四川副使致仕起
浙江副使有餘齋集

靜志居詩話叔開清門廉吏比於胡威父子其在夔
府寄書家中附詩云寄語機雲山下水出山仍似在

山清蓋入蜀之後詩尤深婉如千盤白鵝雲中路三
暮黃牛峽口船臥閣秋雲生白帝登堃春雪和巴人
雲邊古紫三千雉花裏春城十萬家水白瞿塘開榜
世雨晴赤甲見桑麻入春江勢疑吞郭一雨山光盡
到樓天末雁稀秋色盡山家橘熟夜霜清新後雨後
墨塘路獨雁雁前故國心俱滿灑出塵
松風餘韻先生未刻詩有荆華館草白雲草望華亭
草皆自作小序而屬陸古塘訂定者余從裔孫某處
錄而藏之摘句如寺古雲藏樹天晴山到樓一亭含
樹石四面受湖山海霧平吞月江風小作波草閣茶
煙細蘿關鶴夢深不堪江上離人夜偏是天涯好月
時暮景畫船回棹處好風歌閣捲簾時千里烽煙連
野燒三更戍鼓亂砧聲雄圖已盡碑猶在仙島無書
鶴自回皆小長蘆詩話所未及

秋夜

悔別青山入帝都西風苦雨憶江鱸徒聞金幣輪中帑欲問
鱗凰半五湖戎馬頻年生瀚海商羊六月沼東吳清秋燈火
渾無賴擬草持盈帝鑑圖

春寒

不見一花發坐令三月殘長風飛亂雨滿意作春寒

白帝城

白帝雄圖盡遺宮草樹荒數間香火處曾是灤西堂

聽西內鼓樂唢喊

水殿仙韶徹帝都六龍飛處動山呼太平天子方行樂何事
監門欲獻圖

馮奕垣一首

奕垣字弱璧南海人萬曆辛丑進士改庶吉士授湖
廣道御史贈光祿少卿

思鄉

細雨軒窗溼微風枕簟涼夢魂不知遠夜夜到家鄉

董光宏 一首

光宏字君謨鄞人萬厯辛丑進士除刑部主事歷員外郎中出爲河南僉事歷參議副使參政陝西按察使江西布政使入爲順天府尹遷大理卿加兵部侍郎致仕有秋水閣壘副九卷

彭城弔古

曠望寒雲故壘平亂山迢遞入荒城前朝蹟認魚龍國霸畧雄分草木兵飛雨似留歌楚淚濁河猶帶戰秦聲古今不盡興亡恨落日啼鶯總是情

蔡善繼 二首

善繼字伯達烏程人萬歷辛丑進士除莆田知縣改
香山人爲工部主事遷員外改南兵部出爲泉州知
府遷福建副使歷廣東參政湖廣按察使進湖廣布
政使改福建有去去齋集

送心厂上人攜經入峩眉并柬石機師

無住禪心到處安一囊經卷一蒲團三春茗雪花初放五月
峩眉雪尙寒途路似從天上去山河應傍掌中看不嫌塵海
重攜錫慧遠東林席未殘

弔孫太初墓

采菊攜椒薦一卮挂瓢堂近隱君祠寒雲長護青山骨老衲
猶藏破壁詩人爲紫芝仍娶婦天教伯道竟無兒還丹不死

終難信絕代風流是我師

袁懋謙 一首

懋謙字吉卿豐城人萬厯辛丑進士改庶吉士授兵科給事中有虎溪詩選

蘇雲卿祠

浮雲何瀟蕩空水足留連一夜東湖雨春蔬綠可憐盤盂辭後載抱甕想前賢寂寞高風遠疏楊起暮煙

宋濂 一首

濂字伯魯安州人萬厯辛丑進士改庶吉士授浙江憲御史以疏救姜士昌謫平定州判官天啟初贈光祿少卿有青島居草

自適

卷幔對竹林塵空絕餘想池水照天青意與孤雲上

孫光裕 一首

光裕字子長嘉興人萬厯辛丑進士除建昌知縣改
固始徵授御史遷南光祿少卿有廉善堂集

述警

遼陽烽火接燕都一望淒然塞草枯
旰食漫勞諸相國秋風
驕殺五單于黃沙磧裏無遺寇
青海源頭有斷弧自是先王
征戰地鬼燐夜夜泣孤蘆

王元翰 一首

元翰字伯舉甯州人萬厯辛丑進士改庶吉士授吏

科給事中改工科降刑部檢校再降湖廣按察司知事遷工部主事冠帶閑住有擬翠軒詩

南郊雨中別陶不退

送爾從茲止臨歧不忍分窮途期共立薄宦復離羣野水幾平樹前山盡沒雲艱危如得句早付片鴻聞

蕭丁泰一首

丁泰字吉南漢陽人祭酒良有子萬厯辛丑進士除行人遷兵部主事厯員外郎中出爲浙江參政厯陝西按察使遷山西布政使改陝西貴州

江城夜泊

舍楫傍高城殘燈欲二更深杯不成醉獨坐有餘清水落蛟

龍蟄沙寒雁鴛鴦隔江何處寺隱隱度鐘聲

侯正鵠三首

正鵠字仲鵠郢城人萬歷辛丑進士累官漢中知府
有亦詠草交聲集

戲贈人得姬

武陵溪畔女學貼漢宮黃隔岸桃花語教儂若個粧

歷下送客

一樽酒盡灤門孤城上遙啼隔水烏落盡渚蓮人不在西風
愁殺大明湖

寄張瑞陽

買醉胡姬日未曛夢回猶惜峭湖雲山城夜雨梅花綠拾得

春來好贈君

明詩紀事

貴陽陳田輯

庚鑑

徐光啟一首

光啟字子先上海人萬曆甲辰進士改庶吉士授檢討歷贊善諭德超擢少詹事引疾歸起故官擢禮部侍郎以忤魏忠賢落職崇禎初復官加太子賓客進本部尙書兼東閣大學士入參機務加太子太保贈少保諡文定加贈太保

田按文定通籍後從西人利瑪竇講天文歷算火器盡其術若逆知三百年後有西學入中國之效然猶講求國家兵機屯田水利鹽筴諸政非盡棄其學而學也通變而不失其常君子於文定有取焉

題陶士行運甓圖

典午朝臣鮮尙實競以曠達相矜誇娓娓立談未終席紛紛
胡騎亂如麻白玉塵尾黃金塼甕間酒龍聲噓噓誰使神州
陸沈者空復新亭淚成血於時獨有陶荊州卓爾不逐頽波
流高齋晝夜百飢餒勞身苦骨時矻矻心知鴆毒是懷安肉
緩筋驚成何益誰爲點染圖中史炯炯神明薄毫楮披圖再
四忽自喜瘦骨棱棱髮上指

傅淑訓一首

淑訓字啟昧孝感人萬曆甲辰進士除濮州知州改
澤州遷工部員外歷郎中出爲平陽知府歷山西副
使陝西參政四川按察使入爲太僕少卿坐楊漣姻

家削籍崇禎初起順天府尹累遷戶部尙書

玉泉山

湖上歸鴉去雁湖中英蓉朝霞全畫瀟湘一幅楚人錯認還家

李待問 一首

待問字葵孺南海人萬曆甲辰進士除連城知縣改沙縣清江徵授禮部主事改吏部歷員外郎中遷太常少卿以僉都御史巡撫應天進戶部侍郎巡撫鳳陽召拜戶部尙書贈太子少保謚忠定有松柏軒稿黃金臺

碣石荒臺古悠悠傷客心馬應酬白骨士亦戀黃金落木殘

秋色高城隱暮陰燕山多俠氣千載一遺音

黃儒炳 一首

儒炳字士明廣州順德人萬曆甲辰進士改庶吉士
授編修歷中允諭德庶子遷南國子祭酒就遷吏部
侍郎改北禮部再改吏部有影木軒集

秋經景州董子祠

秦火初殘道已孤壁經遺緒未全疏百年禮樂逢明主三策
天人識鉅儒歲遠芳蘋供故里秋高落日照平蕪招賢東閣
成何事偃蹇王門有大夫

楊鶴 一首

鶴字修齡武陵人萬曆甲辰進士除雒南知縣改長

安徽授御史引疾去天啟初起太僕少卿擢右僉都御史巡撫南贛未任忤魏忠賢除名崇禎初召拜左僉都御史進左副都御史拜兵部右侍郎總督陝西三邊軍務進兵部尙書加太子少保逮下獄戍袁州卒復官追加太子少傅

寄懷張子達伯仲

澤畔相思夢卜居故人兄弟近何如林邊黃葉供新賞屋裏青山好著書江口月明猿嘯夜荆門霜落蟹肥初再來剡曲堪乘興畏爾淹留逼歲除

吳應琦一首

應琦字景韓桐城籍休甯人萬厯甲辰進士授太常

博士遷御史歷大理寺丞進本寺少卿遷南大理寺卿

滇回住峽山山莊

數峯相對澗流長萬里歸人滿鬢霜舊壘燕來巢未改新疇
雨過稻生秧苦吟賴有陶潛酒薄宦原無陸賈裝六詔風煙
身歷遍如今邱壑任徜徉

景韓以巡按至滇

趙彥復

二首

彥復字微生杞人萬歷甲辰進士累官湖廣副使有

趙微生詩選

靜志居詩話微生率絲作宰不以簿書廢吟詠晚輯
李獻吉何仲默王子衡孟望之薛君采高子業劉子
素張助甫謝茂秦九人之詩曰梁園風雅而以已
作附之以爲獻吉籍本扶溝聚族於斯婚嫁於斯長

子孫於斯營邱墓於斯非梁人而何君采之先出自
偃師而隸武平赤籍茂秦爲趙王客因卜居子孫遂
留不歸鄴志載在流寓故亦入選中州之文獻得存
其畧焉

隱園

曲沼滌森木虛堂帶遠星座窮非馬辯閒譚種魚經流水何
勞駛歸雲不用停怪來幽意足終日戶常扃

卜居泉上因感先君子有山水之癖

渚陰石浪靜春蕪一葦橫塘興不孤開徑但饒修竹好爲溪
得似浣花無閣雲遠納層層岫苑柳平分面面湖幾載樵山
興漁水那堪腸斷夜臺烏

朱之臣二首

之臣字無易儀衛司籍成都人萬厯甲辰進士授大

理評事遷戶部主事歷員外郎中出爲德安知府歷
湖廣副使井陘道參政遷江西布政使有梅龍集

曉行

風泉竹露微茫溼林影花光漸次真一幅郭熙好山水坂田
新著耦耕人

漫興

置身才與不才間畧似莊生物外閒惟有鄉心消不盡春來
頻夢大峩山

戴九立 二首

九立字玉汝一字大圓新昌人萬厯甲辰進士除棗
強知縣改臨安會稽文安遷都察院經歷進工部員

外有工部稿匡山社集酒人游餞驅草陸沈集落花

吟聽鷗亭稿懷玉集

裴君弘西江詩話大圓詩如蟬聲驛路雨馬首衛河
煙更深雙鬢白吟斷一燈青客好殊難有官閒豈異
無約客嘗蝦菜聽人唱竹枝呼鷗與爾爲間伴繫馬
同君是散曹亦雋句也
田垌玉汝詩音節殊亮不染當時習氣

元日

一官闕下已三年郎署浮沈只自憐飽美侏儒徒索米醉騎
款段也朝天別來剩有歸山夢不去貧無儲舍錢移得梅花
寒未吐知他何處占春偏

送張懋葵兵備池陽

帝鄉遙帶大江濱開府西南控制分官舫去來三峽雨牙旗

披拂九華雲楓林踏社聞歌鼓荻港防秋撤戍軍閒向昭明
臺上望一潭煙水日初曛

鄧澄一首

澄字于德建昌新城人萬歷甲辰進士選庶吉士改
御史出爲湖廣僉事有大隱堂清雅堂東園等集

黃孝子投塔詩

載籍遠乃行耳目近常畧孝子死爲母至今猶寂寞當其畢
命時神感塔斷楸睂睂目不瞑煢煢魂安泊觀者環如堵鄉
鄰驚錯愕爭傳爲黃長黃竺其邨落母疾久不愈醫藥靡所
託念身爲母生舍身爲母藥一片血心誠異代當揚推老夫
筆諸篇以俟采風俗

樊良樞一首

良樞字尙植進賢人萬厯甲辰進士除知縣改

仁和遷刑部主事歷員外郎中出爲雲南副使改浙

江有三山二酉等集

滕王閣懷古

層樓睥睨漢家墉百二關河帶礪封塵放西山回萬乘劍衝
南斗化雙龍沈煙極浦通朝磬濺水空潭激夜春最是秋江
漁笛好數聲遙和翠微鐘

西江詩話明太祖平陳友諒會幸南昌開宴滕王閣
命諸儒酣飲賦詩翼日存恤窮民放友諒所蓄白鹿
於西山詩中頸聯指此

李若訥一首

月鑑卷二十四
若訥字季重臨邑人萬歷甲辰進士累官參政有五
品稿四品稿楊花詩

雲

忽作紅翠生映山復涵水盈盈散何方但見層陰起

王家植一首

家植字木仲濱州人萬歷甲辰進士改庶吉士授編
修

登琅琊臺

臺上秋風俯大荒側身東望思茫茫島邊屢氣結朝市雨後
鯨波落晚涼南去樓船懷越絕西來輦道自秦皇雄心寂寞
空千載海上何人有禁方

戴耆顯 一首

耆顯字令微桐城人萬歷甲辰進士授禮部主事有

杭河集

題邢山人卷

尋眞無遠近一廬聊潤迹悟澹未云遙得趣良可適近市寡
囂塵入室靡交謫蘊此霞外情道彼區中責中唐鬱遐眺憑
城望南陌平楚隱連岡高雲綴危石欣賞付長嘯觀化忌謁
跡夙契苟莫違悠悠遂朝夕

劉士驥 一首

士驥字允良禹城人萬歷甲辰進士改庶吉士授檢

討有蟋蟀軒草

田按允良舉南宮出曾太史可前房太史在闡夢李于麟來謁曉得允良卷遂取焉可前與公安同派操愿下之戈者也乃困于麟而錄允良亦一異也

送寒泉上人

空門無住著來往偶隨緣客路白雲遶禪心明月懸聞鐘尋野寺洗鉢向寒川想到東林下天花落法筵

李之世

六首

之世字長慶新會人萬歷丙午舉人除瓊山教諭遷池州推官有圭山副藏北遊草剩水山房漫稿兩歸稿雪航草家園稿水竹洞草朱厓集小草泡菴草不住菴草息廬詠

顧嗣協岡州遺稿長慶工詩善書間作雲林山水皆清絕可愛

田按長慶詩蘊藉無喧靜之氣頗近宋人

遊郭塘村題壁

歷險乘危倦復登尋幽那有幾人曾
澗橋忽斷遙攀樹土屋將欹巧碍藤
椿葉壇邊搗社鼓豆花棚下晒魚罾
農談真覺塵心盡愧我移家遠未能

迴龍菴訪僧

古岸沙崩路已漫清川流水對潺潺
人從荒落見殘寺僧帶斜陽歸故山
爲愛榕陰遮徑密偏憐鳥語伴經閒
蘭橈只在官橋外問我來時過幾灣

匡山弔古

卞杭回首卽荒賓三徙蓬壺事竟真
天也有應應二弟風皮

垂死泣孤臣何來赤手堪扶國卽去黃冠亦誤身還是中華
千古地長風吹雨洗腥塵

冬日書懷

氣至寒林慘不舒蕭然冥坐得真如耗磨轉覺雄心盡簡懶
全於世法疏一艇爲家將鶴往三冬無事帶經鋤過逢半是
邱中侶多暇還參種樹書

雷陽道中

原莎莽莽盡荒阡遙指孤城百雉懸新水乍生潮帶涵危樓
一望海連天空闊疲卒防春戍幾見流民墾石田數十年來
豐樂土風光強半不如前

種茉莉

堪嫁江梅媵水仙
蕙蕙香雪鬪芳妍
女郎編綰鬢鬆髻
卻道眞珠不直錢

越其杰 七首

其杰字自興一字卓凡
貴陽人萬厯丙午舉人
歷夔州同知擢四川僉事
遷霸州兵備副使以事
論戍起充爲事官監軍
鳳陽福王立以右僉都
御史巡撫東萊改撫河
南南都破尋卒有薊門
白門橫梁知非屢非諸
集

楊文驄洵美堂集卓凡詩
鑲腎咽肝雖極刻劃而停
瀟湘雅歸於自然
黔詩紀畧開府癖耽佳句
當放退多閒其詩殆無日
不作就所詣而論律詩勝
於古詩五言勝於七言吳
滋大編其遺集附摘句一
卷古句如幽絳借竹開吟
緒仗花引風未碧瀾輕雨
餘塵迹照故使意偏失甯

開眉不修空江坐夜深靜聽流雲響隔石細聽泉冷
冷如三歎若得玉人憐平生亦不寂對眾發言十
人九不樂並清迴有餘味律句五言如自經多難後
只想一身閒程遵春草綠意在晚山青老去仍憂國
春來又別家長因得意處便作息心觀五更生百念
千里況孤身避亂人苦除生事輕心中無一事
岸上有千巖花月夙心在雪霜今發殘客簡同僧靜
山秋似水清遠念書難達知心夢可通旅客雨猶出
愁人費反眠七言如今日對君疑是夢去年願我恐
非人關心事匪飲能遣得意人惟詩可招味每在世
俗酸醜之外
田接卓凡苦心吟事存詩近萬首惜爲鍾譚派所束
縛然其獨詣處亦彼法中之錚錚者

知人

自古英雄目成敗兩不疑若祇泛然惜知不如不知推解豈
不厚此恩猶覺私

論詩

學問聊爲借聰明反欲捐悟來方自得妙處不能傳水月光
無著池塘夢偶圓要知好消息多在靜閒邊

冬月宿友齋

亦在人寰裏獨無塵事牽自添焚廚火看汲煮茶泉靜夜觀
空坐高齋聽雪眠心靈多畏役並欲廢遺編

夏日閉門

竹密巧辭日花遲遙戀春惜惟閒不學好是宦仍貪世外應
酬簡靜中消息真松風涼午夢誰識善藏身

春暮看花

深閉閒庭念歲華屐痕今始踏晴沙豈知約客先儲酒反在
他人後看花似畫江山徒付夢如僧蹤迹不思家傷離強制

筵前淚畏聽離羣獨噪鴉

訪友

閒移居在碧溪邊
夏日攜詩獨往尋
微映松筠饒有致
不藏洞壑自然深
誰云道念原存默
未必仙人盡廢吟
商榷旣投相視笑
階前時下一幽禽

夜坐

塵務日相侵
夜深喜默坐
耳根漸覺靈
葉底聽秋墮